



Progettù:

“TARRANÓA E TERRANOIA”

Finanziàtu da la Legghji 482 di lu 1999, alticculi 9 e 15 e da la Legghji Regionali 22 di lu 2018.

Annualità 2022



CUMUNI DI TARRANÓA

SITTÓRI PRUMUZIONI DI LA CULTURA, DI LU SPORT, DI LU TURISMU E DI L'ISTRUZIONI

PRUPPOSTA DI DILIBBARAZIÒNI DI LA GIUNTA CUMUNALI

N. 39 DI LA DÌ 9 DI FRIÀGGHJU DI LU 2023

Ufficiu Pruppunenti: Ufficiu cultura e sport

Sittóri Pruppunenti: SITTÓRI PRUMUZIONI DI LA
CULTURA, DI LU SPORT, DI LU TURISMU E DI
L'ISTRUZIONI

Assessori Pruppunenti: Sabrina Serra

Lu Dirigenti: Annamaria Manca

Lu ‘ngarrigatu di lu Silvìziu: Eugenio Basolu

OGGETTU: Cultura 2023. Carraschiali Olbiesu di lu 2023 (Carrasegare Olbiesu 2023). Cunzissioni di lu patrociniu cumunali, di un cuntribbùtu economicu straordinariu e di altu agghjuti a l'Associazioni Amichi di lu Carraschiali Olbiesu. Centru di Costu 7000068.

Postu a innanzi chi:

- chista Amministrazioni Cumunali à sempri àutu com'è obiettivi chissu di agghjutà e prummu eventi e attività d'arte, cultura, sport, turismu illa cità. Piddhendi in cunsidèru chi chisti eventi, e dugna galità di attività sportivi e culturali, sò riciùti in manéra positiva e fàcini bè a la ghjenti palchì li facini socializzà e sta insembi; dani prumuzioni e valóri a la cità, e di siguru torra indaretu tuttu, finza li dinà chi si póni fà cun chisti attività, chi pòltani a una destagionalizzazioni e/o a sikhì la stagioni turistica di lu tirritóriu gaddhuresu;

- dapói di lu felmu chi v'è statu pa' la pandemia, l'Associazioni Amichi di lu Carrasciàli Olbiesu vó fà, da la dì 16 a la dì 21 di Friàgghju di lu 2023, lu "Carrasciàli Olbiesu" (Carrasegare Olbiesu), chi andarà a tuccà li punti centrali di la cità: dapói di li attività illu Centru commerciali "Tarranóa Mari" (la dì 16) e l'aeropoltu (la dì 17), la dì 19 di Friàgghju, da li 3 di sirintina a l'8 di sera (15:00-20:00), in Piazza Elena di Gaddhura si faciarà la frisgiulata com'è tradiziòni, cun trucca-stèddhi, baddhitti e ghjochi di maia pa' stèddhi minóri.

La dì 21 di Friàgghju vi sarà la sfilata manna cu' li mascari e li carri di carrasciàli illa carréra longa a filu a mari, la premiazioni a la fini, lu gruppu "Lu Bólu" (Il Volo) e la musica dj addananzi a la Residenza Cumunali;

- la sfilata dibbata, abbalta a tutti e chena 'ulé gagnà dinà, cumencia a li 3 di sirintina (15:00) da carréra Josemaria Escrivà de Balaguer e sigarà vel di la rutunda di lu Sacru Córi, carréra Principe Umberto, carréra Genova, carréra Redipuglia, rutunda S'Artiglieria e finarà a li 6 e mezu di sirintina (18:30) in piazza Elena di Gaddhura dapói di aè fattu lu caminu a lu riessu;

Vistu lu Protocolu Generali n° 15100 di la dì 6 di Friàgghju di lu 2023 tinuta ill'atti d'ufficiu, prisintata da l'Associazioni Amichi di lu Carrasciàli Olbiesu, cunfolm'a l'altículi 16 e 17 di lu "*Regolamentu pa' dà li cuntribbuti, patrocini e altu agghjuti economici*" approvatu cu' la Dilibbarazioni di lu Consighiu Cumunali n. 19 di la dì 16 di Friàgghju di lu 2015 e ss.mm.ii, si fàci dummanda di patrocinu pa' l'attività diffinuti a innanzi, e mattessi pa' l'alti agghjuti diffinuti infattu:

- Frunitura “service”, cunfolm’a la scheda tecnica tinuta ill’atti d’ufficiu;
- Lu tantu economicu straoldinariu di 5.410,00 € (cincumiliacattrucentuedeci,00) pa’ pacà li costi di animazioni, majorettes, gruppu musicali, dj, banda, trampuleri e bambocci pa’ tutti e dui li ciurràti;
- Nisciun pacamentu pa’ li dritti SIAE;
- Assentu di 5 tramèzi in piazza Elena di Gaddhura la di 19 di Friàgghju e alt’e 100 tramèzi illu caminu di la sfilata di la di 21 di Friàgghju;
- Assentu di 2 bagni chimichi, 1 pa’ li passoni disabbili, pa’ la di 19 di Friàgghju in piazza Elena di Gaddhura;

Cunsidaratu chi la manifestaziòni mintuàta a innanzi rispondi a l’obiettivi strategichi impustati da chista amministrazioni, pa’ mantinè li tradizioni, prummu e agghjutà la palti artistica, culturali e turistica di la Cità;

Spirendi chi l’emergenza di l’epidemia di lu Covid-19 d’abali lachia fà chisti attivitài e manifestaziòni;

Datu attu chi lu tantu di pacà diffinutu illu preventivu postu illa dummanda e ch’è lu tantu chi selvi pa’ punì in pratica l’eventu, no sò di più di chissi chi si pòni pacà pa’ lu “Regolamentu pa’ dà cuntribbuti, patrocini e altu agghjuti economici”, approvatu cu’ la dilibbaraziòni di lu Consiglu Cumunali n. 19 di la di 16 di Friàgghju di lu 2015 e ss.mm.ii;

Datu attu chi lu Cumuni, pa’ li muttì diffiniti a innanzi, vó agghjutà chist’attivitài dendi lu patrociniu cumunali e altu agghjiuti diffiniti infattu:

- Frunitura “service”, cunfolm’a la scheda tecnica tinuta ill’atti d’ufficiu;
- Lu tantu economicu straoldinariu di 5.410,00 € (cincumiliacattrucentuedeci,00) pa’ pacà li costi di animazioni, majorettes, gruppu musicali, dj, banda, trampuléri e bambòcci pa’ tutti e dui li ciurràti, cunfolm’a l’alticculu 8 di lu Regolamentu pa’ dà cuntribbuti, patrocini e altu agghjuti economici, approvatu cu’ la dilibbaraziòni di lu Consiglu Cumunali n. 19 di la di 16 di Friàgghju di lu 2015 e ss.mm.ii, aèndi fattu cumputu chi l’ esecuzioni è in régula in tutti l’attivitài diffiniti da l’Organizzadóri illa dummanda prisintata, e ancóra la regolaritài di di li conti di lu tantu spesu chi cumpróa lu chi è statu trattatu avvèru pa’ punillu in ópara ;
- Nisciun pacamentu pa’ li dritti SIAE;

- Assentu di 5 tramézi in piazza Elena di Gaddhura la dì 19 di Friàgghju e alt'e 70 tramézi illu caminu di la sfilata di la dì 21 di Friàgghju;
- Assentu di 2 bagni chimichi, 1 pa' li passoni disabbili, pa' la dì 19 di Friàgghju in piazza Elena di Gaddhura, pa' mezu di frunitura/noleggiu datu a l'Aspo da lu Silvìziu Supplementari di Igieni Urbana e pa' chistu, intesu in manéra diretta lu RUP, v'è lu tantu di dinà;

Presu attu di aè previstu, pa' la frunitura di lu silvìziu audio/luci e di lu palcu, lu tantu di **3.949,87 € (tremiliaenoicentucorantanoi,87) cu' l'iva**, chi agàtta lu tantu di dinà pa' pacalli illu **capittulu n.40260** – “altu prestazioni di silvizi attivitài cultura”, **impegnu n. 827/2023** – C.C. 7000068 – chi à abbeddu dispunibbilità illu tantu stanziatu a cumenciu pa' lu cuntrattu pa' dà la frunitura di lu silvìziu audio, video, luci, palcu, e allestimenti sala/platea, agghjutu tecnicu e altu, pa' festi culturali, sportivi, ricreativi, istituzionali, in Tarranóa, Repertoriu n.º 38 di la dì 23 di Lampàta di lu 2022, ditilminu Dirigenziali Reg. Gen. n.º 1361 di la dì 5 di Abbrili di lu 2022 e lu n.º 1920 di la dì 12 di Magghju di lu 2022;

Presu attu di aè previstu, pa' ritirà, puni e turrà a postu illu depositu di la Prutezioni Civili cumunali 75 transenni, lu tantu di **1.403,00 € (millecattrucentuttre/00) cu' l'iva**, chi agàtta lu tantu di dinà pa' pacalli illu capittulu n. 40260 “Altu prestazioni di silvizi attivitài cultura” C.C. 7000068, chi à abbeddu dispunibbilità;

Cumpruàta la dispunibbilità finanziaria chi selvi pa' dà lu tantu economicu innant'a lu Capitulu n. 40260 di li Conti di lu 2023, chi à com'e oggettù “Cuntribbuti di lu Cumuni pa' l'attivitài culturali (istit. suziali privati)” Centru di Costu 7000068;

Ritinutu di duè piddhà l'impegnu di spesa di 5.410,00 € (cincumiliacattrucentudeci/00) innant'a lu capitolu di li Conti, diffinutu a innanzi;

Richjamatu lu pareri di la Corte di li Conti, Sez. Lombardia, n.1075 di la dì 23 di Natali di lu 2010 chi dichjara eseguibbili l'agghjutu economicu (in manéra spalta) pa' attivitài fatti pa' la collettività, puru sighendi lu prinzipiu di agghjutu apparu (sussidarietà orizzontale);

Acciltatu chi, lu tantu frunitu no faci palti di lu tantu datu a innanzi di lu 4%, cunfolm'a l'alticculu 28 comma 2 di lu D.P.R. di la dì 29 di Capidanni di lu 1973 n°600 e di la risuluzioni di la dì 17 di

Lampàta di lu 2022 n° 193 di l'Agenzia di li 'ntrati-Direzioni Centrali Normativa e Cuntinziosu, comu da dichjarazioni sustitutiva spiduta la dì 7 di Friàgghju di lu 2023 e tinuta ill'atti d'ufficiu;

Presu attu ancóra chi la 'mposta innant'a lu 'alóri agghjuntu di li documènti diffinuti illu preventivu di spesa chi no è detraibili, palchì no vi sò attivitài sugghjetti a l'IVA, comu si 'idi illa dichjarazioni sostitutiva spiduta la dì 7 di Friàgghju di lu 2023 e tinuta ill'atti d'ufficiu;

Valutatu chi chista manifestazioni culturali faci palti di li trabaddhi di lu Cumuni o comunque si póni cunsidarà fatti pa'lu 'ntaressu di la cumunità;

Vistu l'alticculu 4, co. 4, di lu Statutu Cumunali chi faci in manéra chi lu Cumuni "... prummoi, agghjuta l'attività e li trabaddhi siguti da lu Statu, da la Regioni, da la Provincia e da altu chi trabaddhani pa' lu sviluppu zivvili, economicu, suziali di li ghjenti di lu lócu";

Datu attu chi chista pruppusta è dipesa:

- da l'autorizzazioni pa'trattà lu lócu in piazza Elena di Gaddhura, data da l'Autorità di Sistema Portuali di lu Mari di Saldigna;

Datu attu puru chi l'organizzadóri à lu 'ngarrigu di assigurà la siguranza pa' tuttu lu caminu e pa' tutta la sfilata;

Datu attu chi li sali e li lóchi attrezzati, di fóra e di drentu, chi facini palti di lu cumuni e li lóchi attrezzati comunque in dugna manéra, illu casu oggettu di chist'attu, sò dati illi limiti di capienza e siguranza cunfolm'a la legghji e/o a l'atti di collaudu/cumpróu chi lu/li 'ngarrigati àni di fà rispittà, lassendi libbaru lu Cumuni di Tarranóa, li chi trabaddhani illi silvizi posti a dispusizioni, da dugna responsabilità e/o rivalsa pa' pussibbili danni chi póni suzzidì a passoni e/o a cose siddhu si superani celti limiti o siddhu vi sò mancanzi organizzativi chi si póni ascrivì a li 'ngarrigati.

Dizzisu chi li locali e/o li stabili e/o lóchi chjusi e abbalti pubblici, chi sò lacati a dispusizioni, diffinuti cun chistu attu è dippesu da lu tantu di spesa di lu chi faci la dummanda pa' li cunzissioni, nulla osta e/o cunsensi numinati mattessi da l'uffici pubblici e/o privati 'ngarrigati, chi attestani li ghjusti cundizioni di siguranza, igieni, salubrità di li lóchi pubblici chjusi e abbalti e mattessi di tutti li 'mpianti chi vi sò posti, cunsiderati cunfolm'a li dispusizioni inn irregula, puru pa' l'anti-

Covid, lassendi libbaru da dugna responsabilità e/o rivalsa pa' pussibbili danni chi póni suzzidì a passoni e/o a così pa' l'attivitài chi si sò fatti in casu chi chisti sìani mancati, lu Cumuni di Tarranóa e li chi chì trabaddhani,

Visti:

- l'alticculu 49, di lu Decrettu Legislativu di la dì 18 d'Austu di lu 2000, n. 267, com'è mutatu illu Decrettu Legghji di la dì 10 di Santigaini di lu 2012, si dà lu pareri tecnicu-amministrativu in appròu e datu chi chista pruppusta cumpolta riflessi diretti e/o indiretti innant'a la situazioni economicu-finanziaria di l'enti, selvi aé lu pareri tecnici-contabbili, chi, insembi a lu pareri tecnicu-amministrativu, andarani posti illi dilibbarazioni;
- la Legghji di la dì 7 d'Austu di lu 1990 n. 241 e ss.mm.ii;
- l'alticculi 3, comma 2, e 13, di lu Decrettu Legislativu n. 267 di la dì 18 d'Austu di lu 2000, chi dani la competenza a lu Cumuni pa' fà tutti l'attivitài chi prummoini lu smannà di la proppia cumunitài;
- lu Regolamentu pa' la cunzissioni di li cuntribbuti, patrocini e altu agghjuti economici approvatu cun dilibbarazioni di lu Consighiu Cumunali n. 19 di la dì 16 di Friàgghju di lu 2015 e ss.mm.ii e a ultiméra l'alticculu 16 e 17, co. 12;

Presu attu chi l'Associazioni Amichi di lu Carrasiali Olbiesu no faci palti di lu cuntestu politticu-amministrativu di nisciun paltitu, sigundu cantu è appustatu ill'alticculu 7 di la Legghji n. 195 di la dì 2 di Magghju di lu 1974 e di la Legghji n. 659 di la dì 18 di Santandria di lu 1981;

Datu attu chi pa' lu Dirigenti e lu 'ngarrigatu di lu Procedimentu no vi sò situazioni, ancóra potenziali, di cunflittu di 'ntaressu da lu chi era alticculu 6-bis di la Legghji n. 241 di lu 1990, com'è appustatu illa Legghji n. 190 di lu 2012, liàta a chist'attu'

Postu a innanzi e cunsidaratu tuttu chistu,

PRUPPONI

1. Di approvà la dummanda cun Protocolu gen. n.º 15100 di la dì 6 di Friàgghju di lu 2023, tinuta ill'atti d'ufficiu, prisintata da l'Associazioni Amichi di lu Carrasiali Olbiesu, pa' agghjutà la manifestazioni "Carrasiali Olbiesu 2023", appustatu pa' la dì 19 e la dì 21 di

Friàgghju di lu 2023, illa carréra longa ill'azza a mari di Tarranóa e piazza Elena di Gaddhura;

2. Di appruà lu dissìgnu di li pinsàti, dendili, pa' li muttì diffinuti a innanzi chi poltani vantaghji chi si póni aé pa' adducà di tradizioni di lu lócu, smannà e prummu la 'mmagghjina di Tarranóa, appiù di lu stà bè di tutti, cunfolm'a e pa' l'effetti di l'alticculi 16 e 17 di lu "Regulamentu pa' dà cuntribbuti, patrocini e altu agghjuti economici", appruàtu cu' la dilibbarazioni di lu Consigliu Cumunali n. 19 di la dì 16 di Friàgghju di lu 2015 e ss.mm.ii;

– Lu patrociniu cumunali;

– la cunzissioni di l'agghjiuti diffinuti infattu:

- Frunitura "service", cunfolm'a la scheda tecnica tinuta ill'atti d'ufficiu;
- Lu tantu economicu straoldinariu di 5.410,00 € (cincumiliacattrucentudeci,00) pa' pacà li spesi di animazioni, majorettes, gruppu musicali, dj, banda, trampulieri e bambocci pa' tutti e dui li ciurràti, cunfolm'a l'alticculu 8 di lu Regulamentu pa' dà cuntribbuti, patrocini e altu agghjuti economici, appruàtu cu' la dilibbarazioni di lu Consigliu Cumunali n. 19 di la dì 16 di Friàgghju di lu 2015 e ss.mm.ii, aendi fattu cumputu di la regolari esecuzioni di tutti l'attività diffinuti da l'Organizzadóri illa dummanda prisintata, e mattessi la regolarità di la rendicuntazioni economica chi cumpróa lu tantu chi selvi pa' fallu;
- Nisciun pacamentu pa' li dritti SIAE;
- Assentu di 5 tramèzi in piazza Elena di Gaddhura pa' la dì 19 di Friàgghju e n. 70 tramèzi illu caminu di la sfilata di la dì 21 di Friàgghju;
- Assentu di 2 bagni chimichi, 1 pa' li passoni disabbili, pa' la dì 19 di Friàgghju in piazza Elena di Gaddhura, pa' mezu di frunitura/noleggiu datu a l'Aspo da lu Silvìziu Supplementari di Igiene Urbana e pa' chistu, intesu in manéra diretta lu RUP, v'è lu tantu di li dinà;

3. Di dà attu chi lu tantu di **3.949,87 €.** (tremilianoicentucorantanoi,87) cu' l'iva, impustata pa' la frunitura di lu service audio/luci e di lu palcu pa' la manifestazioni, agattarà lu tantu di dinà pa' pacalli illu **capitolu n.40260** – "altu prestazioni di silvizi attività cultura", **impegnu**

n. 827 di lu 2023 – C.C. 7000068 – chi à abbedhu dispunibbilità illu tantu stanziatu a lu cumenciu pa’ lu cuntrattu pa’ dà la frunitura di lu silviziù audio, video, luci palcu, e allestimenti sala/platea, agghjutu tecnicu e altu di tanti manéri, pa’ festi culturali, sportivi, ricreativi, istituzionali, in Tarranóa, Repertoriu n.º 38 di la dì 23 di Lampàta di lu 2022, ditilminu Dirigenziali Reg. Gen. n.º 1361 di la dì 5 d’Abbrili di lu 2022 e lu n.º 1920 di la dì 12 di Magghju di lu 2022;

4. D’appruà lu preventivu di spesa, allegatu a la dummanda diffinita a innanzi, tinendi contu chi lu Cumuni pòni un tantu economicu straordinariu di 5.410,00 € (cincumiliacatrucentudeci,00), pa’ l’Associazioni Amichi di lu Carrasciali Olbiesu 2023, chi carragghja una palti di li spesi pa’ lu “Carrasciali Olbiesu 2023”, cunfolm’a l’alticculu 8 di lu “Regulamentu pa’ dà cuntribbuti, patrocini e altu agghjuti economici”, approvatu cu’ la dilibbarazioni di lu Consighiu Cumunali n. 19 di la dì 16 di Friàgghju di lu 2015 e ss.mm.ii;
5. Di dà attu chi la spesa totali di 5.410,00 € (cincumiliacatrucentudeci,00), agattarà lu tantu di dinà pa’ pacalli illi fundi di li Conti 2023, in chista manéra:

— Capitulu n.º 40451 chi à com’e oggettù “Cuntribbuti di lu Cumuni pa’ li festi culturali (istit. suziali privati)” Centru di Costu 7000068;

6. Di turrà a di chi, pa’ pacà chistu cuntribbutu, si pòni agattà dispusizioni illu “Regulamentu pa’ dà cuntribbuti, patrocini e altu agghjuti economici”, approvatu cu’ la dilibbarazioni di lu Consighiu Cumunali n. 19 di la dì 16 di Friàgghju di lu 2015 e ss.mm.ii;
7. Di dà attu chi chistu contribbutu frunitu no faci palti di lu tantu datu a innanzi di lu 4%, cunfolm’a l’alticculu 28 comma 2 di lu D.P.R. di la dì 29 di Capidanni di lu 2973 n.º600 e di la risgiolta di la dì 17 di Lampàta di lu 2022 n.º 193 di l’Agenzia di li ‘Ntrati-Direzioni Centrali Normativa e Cuntinziósu, com’e da dichjarazioni sustitutiva spiduta la dì 7 di Friàgghju di lu 2023 e tinuta ill’atti d’ufficiu;
8. Di dà attu chi chi la ‘mposta innant’a lu ‘alóri agghjuntu di li documenti diffiniti illu preventivu di spesa chi no si pó bucà, palchi no vi sò attivitai sugghjetti a l’IVA, comu si ‘idi illa dichjarazioni sustitutiva spiduta la dì 7 di Friàgghju di lu 2023 e tinuta ill’atti d’ufficiu;

9. Di dà attu chi la spesa totali di **1.403,00 € (mìddh'e cattrucentu tre/00) cu' l'Iva**, prevista pa' ritirà, punì e turrà a postu illu depositu di la Prutezioni Civili cumunali 75 tramèzi, chi agattarà lu tantu di dinà pa' pacalli illu capitolu n. 40260 "Altu prestazioni di silvizi attivitài cultura" C.C. 7000068, chi à abbedhu dispunibbilitài;
10. Di dà attu chi l'organizzadóri à lu garrigu assigurà la siguranzia pa' tuttu lu caminu e pa' tutta la sfilata;
11. Di dà attu chi chista prupposta è dippésa:
- da l'autorizzazioni pa' trattà lu lócu in piazza Elena di Gaddhura, data da l'Autoritài di Sistema Portuali di lu Mari di Saldigna;
12. Di dà attu chi chistu pruvvedimentu di cunzissioni di lu patrociniu no dà autorizzazioni di trattà lóchi pubblici, e fà la festa, palchì chissi àni di stà dummandati pa' folza da l'organizzadóri di la pinsàta a l'uffici 'ngarrigati e déni esse riciùti primma di cumincià a falla;
13. Di dà attu chi li sali e li lóchi attrezzati, li lóchi fóra e indentru, chi facini palti di lu cumuni e in dugna manéra, li lóchi attrezzati, illu casu oggettu di chist'attu, sò dati illu tantu massimu di capienza e siguranzia cunfolm'a la legghji e/o a l'atti di collaudu chi lu/li 'ngarrigati déni fà rispittà, lassendi libbaru lu Cumuni di Tarranóa, li chi trabaddhani illi silvizi posti a dispusizioni, da dugna responsabilità e/o rivalsa pa' pussibbili danni chi póni suzzidì a passoni e/o a cose siddhu si superigghjani celti nummari di passoni o siddhu vi sò mancanzi organizzativi chi si póni imputtà a li 'ngarrigati.
14. Di dà attu chi l'Associazioni Amichi di lu Carrasciali Olbiesu si piddha la responsabilità pa' l'organizzazioni e lu svolgimentu di la manifestazioni, comu diffinuta a innanzi, fendi tuttu lu chi selvi pa' garantì la siguranzia e l'oldini, e matteddi l'incolumitài di li passoni, rispittendi li limitazioni innant'a la siguranzia previsti da la legghji, lassendi libbaru lu Cumuni di Tarranóa e li chi chì trabaddhani, da dugna responsabilità civili, penali e/o amministrativa, e/o rivalsa pa' pussibbili danni, lesioni o molti chi póni cumbinà siddhu v'è violazioni dulosa o culposa com'e diffinutu a li sensi e pa' l'effetti di li reguli diffinuti a innanzi;

15. D'appruà finz'e d'abali l'Associazioni Amichi di lu Carrasciali Olbiesu a trattà lu logu di lu Cumuni di Tarranóa in tutti l'occasioni e attivitài pa' prummuì li pinsàti in chistioni, prummuendi matteddi la 'mmagghjina di la Cità;
16. Di dà lu mandatu a lu Dirigenti *ad interim* di lu Sittori Prumuzioni di la Cultura, di lu Sport, di lu Turismu e di l'Istruzioni pa' chissu chi selvi a punì in pratica chistu provvedimento, matteddi l'inviu di chistu attu a li Dirigenti di li Sittori intarissati;
17. Di dichjarà, cunfolm'a l'alticculu 134, comma 4, di lu Decrettu Legislattivu di la dì 18 d'Austu di lu 2000 n° 267, lu pruvvidimentu chi appróa chista prupposta, sendi di fa in pressa, eseguibbili subbitu.